



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

616.9

Ա-88

ՀԱՅԿԵՆ ԱՐԾՐՈՒՄՆԻ

ԲՆԻ ԶՐՈՅՏՆԵՐ

Վ Ա Տ Ց Ա Ի

ԿԱՄ

ՍԻՖԻԼԻՍ

(ԵՐԿՐՈՐԴ ՄԱՍ)

9 Ճկարով

№ 10

1904

FEB 2013

610
25-ԱՐ

616.9
Ա-88.

30 JUL 2013

Բժ. ՎԱՀԱՆ ԱՐԾՐՈՒՆԻ

ԲՃՇԿԻ ԶՐՈՅՑՆԵՐ


Վ Ա Տ Ց Ա Ի

ԿԱՄ

Ս Ի Ֆ Ի Լ Ի Ս

(ԵՐԿՐՈՐԴ ՄԱՍ)

9 Եկտոբր



Թ Ի Ֆ Լ Ի Ս

Տպարան «ՀԵՐՄԵՍ». || Тип. «ГЕРМЕСЬ».

1904.

1003
9997

Дозволено ценз. 9 Января 1901 г. Тифлисъ.

ՎԱՏ ՅԱԻ ԿԱՄՍ ՍԻՖԻԼԻՍ.

ՄԱՍՆ ԵՐԿՐՈՐԴ

ԺԱՌԱՆԳԱԿԱՆ ՍԻՖԻԼԻՍ

Ամուսնութիւնը մի չափազանց պատասխանատու գործ է:

Ամեն ամուսնացող պարտաւոր է հարիւր անգամ կշռել այս խնդիրը, ծանր ու թեթև անել, տեսնել, թէ արդեօք ինքը ընդունակ է առողջ երեխաներ արտադրելու, թէ ոչ: Մեծ յանցանք է գործում այն տղամարդը կամ կինը, ով հիւանդ լինելով այդ ցաւով, յանդգնում է կապել իր կեանքը մի ուրիշի հետ: Չէ՞ որ այդպիսի ծնողի գաւախները վատառողջ կլինեն և ամբողջ կեանքում կտանջուեն ծնողներից ժառանգած ցաւով:

Մեր ժողովուրդը դեռ ևս չափազանց թեթև է նայում ամուսնութեան վրա: «Տղայ է պիտի պսակուի», «աղջիկ է պիտի մարդի գնա» — այս է նրանց միակ սկզբունքը: Ել սվ է մտածողը, թէ տղան ու աղջիկը

ինչ հասակի, ինչ առողջութեան տէր են, ինչ կըթուրին ու դաստիարակութիւն ունեն:

Իսկ եթէ այդ տղան սիֆիլիս ունի, եթէ այդ աղջիկը թոքախտաւոր է, ինչ կըլինի դրանց սերունդը *):

Այս գրքոյկիս առաջին մասում մենք ասել ենք, որ սիֆիլիստոր կարող է ըծըզկունի և առողջանալ, և եթէ կանոնաւոր ու երկուսի և առողջանալ, և եթէ կանոնաւոր ու երկուսի կարասի է եղել բժշկութիւնը, նա մի օր այնքան առողջ կլինի, որ իրաւունք կունենայ ամուսնանալու և առողջ սերունդ արտադրելու:

Միայն դրա համար անհրաժեշտ է, որ սիֆիլիս ունեցողը լաւ հասկանայ բժշկութեան անհրաժեշտութիւնը, միշտ եւ անընդհատ բժշկի հսկողութեան տակ լինի ու առանց բժշկի թոյլտուութեան չամուսնանայ:

Երբէք չպէտք է մոռնալ, որ թէկուզ հիւանդի վրա այլևս ցաւի ոչ մի նշան էլ չկայ, նա այնուամենայնիւ դեռ ևս բժշկուած չէ: Թոյնը դեռ արեան մէջն է և այսօրվազը կարող է մի բան դուրս գալ վրան, մի հի-

Տես իմ «Ամուսնութիւն» գիրքը:

ւանդութիւն վրա հասնել: Այս է պատճառը, որ (ինչպէս ասել ենք առաջին մասում) բժշկուելուց (այսինքն. սիֆիլիսի նշանների անհետանալուց) յետոյ էլ պէտք է մի քանի տարի սպասել, որպէս զի թոյնը նուազի կամ գուցէ և բոլորովին ոչնչանայ մարմնի մէջ, և այն ժամանակ միայն նա կարող է մաքուր խղճով ամուսնանալ:

Հիմի տեսնենք, թէ ի՞նչ է պատահում, երբ սիֆիլիստորը լաւ շքշկուած ամուսնանում է: Ամենից առաջ, ի հարկէ, կինն է վարակում. նրա արիւնը ևս թունաւորում է, ինչպէս թունաւորուած էր մարդինը, նա ևս նոյն սարսափելի ցաւերն ու խոցերն է ունենում, ինչ որ մարդն էր ունեցել կամ ունի, նա ևս տանջուած է անվերջ հիւանդութիւններից, որոնցից ամուսինը:

Բայց հարկ չկայ, որ մարդը կնոջը վարակի. յաճախ պատահում է, որ թէև հայրը ըստ երևոյթի առողջացել է, այսինքն. վրայի խոցերն ու ցաւերը անցել են, բայց նա բաւական ժամանակ չի սպասել և բժշկից խորհուրդ չի հարցրել, այլ շտապել է ամուսնանալու: Այսպիսի սիֆիլիստոր կարող է չվարակել իր կնոջը, բայց նրա արիւնը դեռ

չի մաքրուել թոյնից, և այդ կը սպանի գա-
լակներին:

Թէ երկու ամուսիններն էլ վարակուած
լինեն, թէ նրանցից մէկը — այդ միևնոյն
է, — հետևանքները սրանք են:

Ա. Զբերութիւն

Բ. Վիժումն (անցուցք)

Գ. Մեռած երեխաների ծնունդ կամ
շուտով մեռնող երեխաներ.

Դ. Արատաւոր և հրէշաւոր ու հիւանդ
երեխաներ, կամ վատասերումն:

Մի քանի խօսք կասե՛նք առաջին երեք
դէպքերի մասին և կանցնենք վատասերման
հարցին:

Ա. ԶԲԵՐՈՒԹԻՒՆ.

Վատ ցաւի թոյնը այնպէս է քայքայում
հիւանդի առողջութիւնը, այնպիսի փոփո-
խութիւններ է գցում նրա ամբողջ կազմու-
ածքի մէջ, որ նա անընդունակ է դառնում
գաւակ ունենալու ու սերունդը երբեմն վեր-
ջանում է:

Մեր ժողովրդի մէջ չբերութեան հա-
մար միշտ կլինէ մեղաւոր համարուած:

Մարդի պառաւ մայրը ամեն օր անիծում է
իր «չոր—քեթութուկ հարսին», որը մի էրէ-
խայ էլ չի տալիս իր «խեղճ տղին»: Բայց
յաճախ այդ «խեղճ տղէն» է մեղաւորը, ո-
րովհետև նա է, որ սիֆիլիսից լաւ չբը-
ժշկուած ամուսնացել է:

Հարսին սրբերի դռները քաշ տալուց,
գերեզմանների վրա լուանալուց, շնքին հը-
մայիլներ քաշ անելուց, գրբացների շէմքերը
տրորելուց ոչինչ դուրս չի գայ, մինչև որ
հիւանդ մարդը չբժշկուի կանոնաւոր կեր-
պով:

Այս մասին երկար չենք խօսի: Թող լաւ
մտածեն սրա մասին իրանց բժշկուած կար-
ծող սիֆիլիսոսները:

Բ. ՎԻՇՈՒՄՆ.

Նոյն պատճառից կլինը վիժումներ է
անում: Ո՞վ չի լսել, որ կան կանայք, որոնք
շարունակ ամեն-տարի «անցուցքներ» են
անում: Ամուսինները յուսահատուած են,
փափաքում են երեխայ ունենալ, իսկ կլինը
շարունակ վիժում է ու տունը մնում է ան-

զաւակ: Քիչ չի պատահում, որ վիժեն
5—7—11 անգամ:

Ելի ընկնում են սրբերի դռները, էլի
զանազան կիսակախարդական ծէսեր են կա-
տարում, բայց երեխան չի մնում ու չի
մնում:

Եւ յանկարծ, մի քանի վիժումներից
յետոյ, կենդանի զաւակ է ծնւում: Ինչից էր,
որ այսքան ժամանակ երեխայ չը կար կամ
չէր մնում ու յանկարծ կլնը ծնեց: Ի հարկէ,
ժողովուրդը, ինչպէս միշտ, իր բացատրու-
թիւնն է տալիս: «Հը, տես՜ր, Տոճկենց պա-
ռաւը ինչ ձեռք ունի. եկաւ «բթիկ» արաւ ու
հրէն Չարուխեց Հեղնարը երեխայ բերեց»:


Միշտ միենոյն տխմար բացատրու-
թիւնները... Իսկ սենք գիտենք զրա պատ-
ճառը, որը շատ պարզ է: Սիֆիլիսի թոյնը
մի քանի տարուայ ընթացքում նուազել է
և այլ ևս չի սպանում արզանդի պտուղը և
ուրիշ ոչինչ:

Գ. ՄԵՌԱԾ ԿԱՄ ՇՈՒՏՈՎ ՄԵՌՆՈՂ ԵՐԵ- ԽԱՆԵՐԻ ԾՆՈՒՆԴ

Յաճախ, մի քանի վիժումներից յետոյ,
սիֆիլիսոտ կլնը (կամ սիֆիլիս ունեցող մար-
դի կլնը) ծնում է երեխայ, բայց սեռած,
նոյն իսկ նեխած, խմորուած: Այդպիսի ծը-
նունդներ կարող են մի քանիսը իրար յետե-
ւից լինել, կամ մեռած երեխայից յետոյ
կլնի դարձեալ մի շարք վիժումներ, յետոյ
կարող է ծնել նաև կենդանի զաւակ, բայց
այնքան նուազ ու թոյլ և այնպիսի հիւանդ-
ութիւններով, որ երկար չի ապրի ու
հազիւ լոյս տեսած—կը մահանայ: Երեխա-
յի հիւանդական նշանները նոյնն են լինում,
ինչոր ստացական սիֆիլիսինը: Մաշկը և թա-
ղանթները ծածկուած են լինում բծերով ու
խոցերով, սիֆիլիսական ուռուցքներ են գո-
յանում մարմնի զանազան մասերում ու ներ-
սի գործարանների մէջ և այլն:

Մեծ մասամբ այս ցաւերը մօր արզանդի
մէջն են սկսում ու սպանում են պտուղը,
յաճախ էլ երեխան կենդանի է ծնւում, բայց
արդէն հիւանդ և իսկոյն մեռնում է: Իսկ

Երբեմն էլ նա ծնւում է մաքուր մաշկով և ըստ
երեւոյթի առողջ, բայց մի քանի օրից, շա-
նկ. 20.



Ահա մի նորածին երեխայ, որի ձեռների ամերը
և ոտերի տակը ծածկուած են սիֆիլիսական մեծ
խոցերով (պեմֆիգոս):

բաժից յետոյ երեւան են գալիս ժառանգա-
կան սիֆիլիսի ախտանշանները:

Պատահում են նոյնպէս և շատ դէպքեր,
երբ երեխան բուրբոկին առողջ է ծնած,
ապրում է մէկ տարի—երկու տարի և աւե-
լի, ու յանկարծ սկսում է սիֆիլիսի նշան-

Նկ. 21



Այս նկարը ներկայացնում է մի
սիֆիլիսոտ երեխայ, որի ճակատին
սիֆիլիսական ոսկրուռուցներ կան:

ներ ունենալ: Անկարելի է ասել, թէ որ
հասակումն է վերջանում վտանգը: Երբեմն
երեխաները ապրում են 10—15, նոյն իսկ

20 և աւելի տարի, առողջ են ու լաւ կազմուածք ունեն և, արդէն հասած տղամարդ դառած, սկսում են աւերուել և սիֆիլիսական հիւանդութիւններ ստանալ.— սիֆիլիսի նշանները շատ ուշ են երեւում:

Սյապէս դաժան ու վրէժխնդիր է վատ ցաւը...

Երբեմն էլ երեխայի վրա ցաւի ոչ մի նշան չկայ, և ծնողները յոյս ունեն, որ նա կապրի ու կմխիթարի իրանց: Բայց մանկիկը վատ է մտունդ առնում, լալկան է, անհանգիստ, քանի դնում—նուազում է, թուլամորթ դառնում և կամաց-կամաց մոմի պէս հալչում է ու հանգում:

Սա այն դէպքերից է, երբ սիֆիլիսի թոյնը քանդում է կեանքի հիմքը առանց աղմուկի, կամաց կամաց նսեմացնելով մանկան կենսական ոյժերը:

Ո՛չ մի ժառանգական հիւանդութիւն այնչափ երեխաներ չի փչացնում, որչափ վատ ցաւը.— այս ապացուցուած է բազմաթիւ գիտնականների արած դիտումներով:

Մի գիտնական հետազոտութիւններ է արել այս մասին և գտել է, որ 491 երեխայից 382-ը չեն ապրել, — ուրեմն 100-ից

77-ը մահացել են!... Սրանք կամ մեռածին ծնուել կամ մեռել են ծնուելուց քիչ ժամանակ անց:

Սյապիսով փշանում են հազարաւոր մանուկներ, որոնք, աւետարանի խօսքով, պիտի աճէին ու բազմանային:

Ենձ մի քանի թուեր:

| | | | |
|---------------|----|-----------------|----|
| Մի կին ծնել է | 4 | երեխայ—մեռել են | 3 |
| » » » | 5 | » — » | 4 |
| » » » | 6 | » — » | 5 |
| » » » | 7 | » — » | 6 |
| » » » | 9 | » — » | 6 |
| » » » | 12 | » — » | 7 |
| » » » | 13 | » — » | 7 |
| » » » | 9 | » — » | 8 |
| » » » | 12 | » — » | 9 |
| » » » | 11 | » — » | 10 |
| » » » | 12 | » — » | 11 |

| | | |
|---------------|----|--------------------------|
| Մէկ կին յդ. է | 6 | անդ.—3 վիժ. և 3 մեռ. եր. |
| Մի ուրիշ » | 7 | » —1 » 5 » » |
| Մի եր. » | 8 | » —2 » 3 » » |
| Մի չոր. » | 15 | » —3 » 11 » » |

Տեսէք ինչ սոսկալի թւեր. 15-ից 14 երեխայ փշանում են!

Չէ որ սա զարհուրելի է...

Դ. ԱՐԱՏԱԽՈՐ ԾՆՈՒՆԻ ԿԱՄ ՎԱՏԱՇՈՒՄՆ

Այստեղ մենք պիտի խօսենք այն բազմաթիւ արատաւորութիւնների ու հրէշաւորութիւնների մասին, որ յաճախ ունենում են սիֆիլիտոտաների երեխաները:

Լաւ հասկանանք, թէ դա ինչ է:

Մինչև այժմ մենք խօսում էինք սիֆիլիտոտի ժառանգների այն հիւանդութիւնների մասին, որոնք սիֆիլիսական են, — ուրիշ խօսքերով, որոնք նոյն են, ինչ որ ստացական սիֆիլիսինը: Երեխաները կարծես ուղղակի վարակուած են ծնողներից և նոյն նշաններն ունեն իրանց մարմնի վրա, ինչ որ ունեն առհասարակ վատ ցաւով վարակուածները:

Բայց շատ դէպքերում երեխան ոչ մի նշան չունի վրան, ոչ մի բիծ կաշու վրա, ոչ մի խոց թաղանթների վրա, — մի խօսքով, ոչ մի հիւանդութիւն, որը առհասարակ նկատուում է սիֆիլիտոտաների վրա: Սակայն այդ երեխան ուրիշների նման չէ: Լաւ զըննեցէք նրա մարմինը և կը գտնէք նրա մէջ մի որևէ անկանոնութիւն. կամ զլուխն է

չափազանց մեծ, կամ ոսկրերն են ծուռմուռ, կամ մատերը կարճ ու երկար, կամ աչքերը մի ուրիշ տեսակ, ցաւոտ, կամ աշխներն ու ատամները օտարօտի...:

Ինչքից է առաջ գալիս այս բոլորը: Ի՞նչն է պատճառը, որ պակասաւոր երեխաները շատ աւելի յաճախ են պատահում սիֆիլիտոտաների ընտանիքում, քան առողջների:

Սա վատասերումն է:

Միայն սիֆիլիսը չէ, որ այսպէս նսեմացնում և այլանդակում է սերունդները: Մենք մի ուրիշ տեղ խօսել ենք սերնդի վատասերման մասին ծնողների զանազան հիւանդութիւններից *), այն է. ալկօհօլիզմ (զինեմոլութիւն), թորախտ, ներվայնութիւն, ազգակցական ամուսնութիւն: Այս վերջին հիւանդների սիրունդներ էլ ծնւում են վատասերուած, այսինքն. թուլակազմ, արատաւոր, կեանքին անընդունակ և ենթարկուած հազար ու մի տեսակ հիւանդութիւնների ու տկարութիւնների:

Ի՞նչն է այս վատասերման սկզբնական ու հիմնական պատճառը: Ի՞նչի սիֆիլիտոտի

զաւակը, որը առողջ էր ծնուած, կամաց-կամաց հարւում-մաշւում է ու մի թոյլ անընդունակ էակ է, դառնում: Ինչից է որ նա այսքան արասներէի տէր է դառնում, այսքան տանջանքներ է կրում իր կարճ կեանքում: Բացատրենք այդ և անցնենք արասներէին ու հրէշաւորութիւններին:

Սիֆիւփօի թոյնը այնչափ զօրեղէ, որ մտնում է մեր մարմնի բոլոր անկիւնները և հիւանդական դրութեան մէջ գցում մարդի կազմուածքի ամեն մի թելը: Վատասերուած մարդի միսն էլ այն չէ, ներվերն էլ այն չեն, սեռական գործարաններն էլ այն չեն, ինչ որ առողջինը: Սերմը, որը ծնունդ է տալիս զաւակի սաղմին մօր արգանդի մէջ, կորցնում է իր զօրութիւնը և ոյժը: Ի հարկէ, այդպիսի մարդի սիրունդն էլ չի կարող այն լինել, ինչոր առողջինը:

Մենք զեռ չգիտենք, թէ ինչ են այն փոփոխութիւնները, որոնք այդչափ նուազեցնում են մարդի ուժերը: Բայց հարիւրաւոր բժիշկներէ արած հետազօտութիւնները, զիտումները ցոյց են տալիս, որ հիւանդութեան թոյնի ազդեցութեան տակ մի ինչ որ քան է փոխուում սիֆիլիսոսի սեռական

ուժի մէջ: Եւ այդ «ինչ որ բանի» փոփոխութեան հետեանքը լինում է վատասերուած սերունդ:

Այսպէս ուրեմն, վատ ցաւը միւս թու նատրութիւնների հետ միասին (գինեմոլութիւն, թորքախտ և այլն) վատաշրջում է հիւանդների մարմնի հիւթերը:

Սոսնք այժմ այդ ժառանգական վատասերման մասին:

Սակայն հէնց այժմ խնդրում ենք ընթերցողին չմոռանալ հետեւեալը.

1. Այն բոլոր արասները, որ պիտի նկարագրենք, սլատահում են նոյնպէս և թորքախտաւորների ու արբեցողների սերունդների վրա և՛ 2. ոչ բոլոր սիֆիլիսոսների զաւակները այդ արասներն են ունենում և սիֆիլիսոսի ոչ բոլոր զաւակները այդ արբեցողների շատերն էլ ծնում են առողջակազմ:



Ժառանգական սիֆիլիսոսներին կարելի է երեք կարգի բաժանել:

1. Այսպիսիներ, որոնց մարմնի մի որևէ մասն է միայն հիւանդոտ կամ ա-

բատաւոր (օր. գլուխը, ատամները, անդամները և այլն),— ժամնաւոր վատաճումն:

2. Այնպիսիներ, որոնք ամբողջ մարմնով են վատասերուած ու պակասաւոր,— ընդհանուր վատաճումն կամ վատասերումն:

3. Հրէշներ:

1. ՄԱՍՆԱԻՈՐ ՎԱՏԱՃՈՒՄՆ

1. ԳԱՆԳԻ ԱՆԿԱՆՈՆՈՒԹԻՒՆՆԵՐ


Ամբողջ գանգը (գլուխը) կամ չափազանց փոքր է լինում, կամ չափազանց մեծ: Երբեմն երեխաներ են ծնւում, որոնց գլուխը մի փոքրիկ նարնջի կամ խնձորի չափ է: Սրանք փոքր-գլխանիներն են:

Կան և մեծ-գլխանիներ: Շատերը տեսած կը լինեն մեծ գլխանի երեխաներ, որոնք հագիւ կարողանում են իրանց անագին գլուխը ուսերի վրա պահել: Երբեմն ընտանիքի բոլոր երեխանները այդ աճուածիւնն ունեն:

Գլուխը կարող է նաև սովորական սեծուծիւնն ունենալ, բայց լաւ գննեցէք և կը գտնէք գլխի վրա գանազան անկանոնութիւններ,— նա կամ երկար-սովիկ է (նկ. 23.)

ու սրածայր, կամ տախակ կամ կողքերը

Նկ. 22.



դուրս պրծած կամ ներս գնացած կամ
որ և է տեղը փոս ընկած և այլն:

Յաճախ էլ զլուխը անսովոր մեծութիւն
ու փոքրութիւն ունի, և աճե է:

Նկ. 23.



Տեսէք այս երեխայի անազին զլուխը և
ճակատի դարերը (նկ. 22):

Նայեցէք այս միւսին էլ (նկ. 23), որի գլուխը կասես զնդանի մէջ դրած—սեղմուած է կողքանց ու տափակացրած: Սրա քունքի ոսկրերը ներս են սեղմուած ու փոս ընկած, որից ձակատի ոսկրը տափկուել է ու դուրս է պրծել աքլարի կատարի նման:

Սրանք են զանգի վրա նկատուած վատահումներն ու այլանդակութիւնները:

Դէմքի վրա նոյնպէս շատ անկանոնութիւններ են նկատուում:

Նրա երկու մասերը հաւասար չեն և երկու կողմերը միանման չեն,—մի կողմը աւելի երկար է ու աւելի լայն, քան միւսը: Այսպիսի մարդիկ իսկապէս նրկու-ներեսանի են:

2. ԳԼՍԻ ԶՐԳՈՂՈՒԹԻՒՆ

Ժառանգական սիֆիլիսոտ երեխաների մէջ պատահում է երբեմն ուղեղի այս սարսափելի հիւանդութիւնը: Ահազին գլուխը լցուած ջրով, որը սեղմում-ճնշում է ուղեղը ու մահ առաջացնում:

3. ԱՏԱՄՆԵՐԻ ՎԱՏԱՃՈՒՄ


Ատամների վատահումը շատ ձևեր է ընդունում: Նախ.—ատամները շատ ուշ են դուրս գալիս, 10—15 ամսում միայն, երբեմն էլ աւելի ևս ուշ: Յետոյ սրանք լինում են կամ չափազանց մանր (ատամների մանկայնութիւն) կամ չափազանց մեծ (ատամների հրէշատրուծիւն) կամ խառն.—մանր ու մեծ:

Երկրորդ այլանդակութիւնն այն է, որ ատամները չափազանց անկանոն են դարսուած լինում ընդերքի մէջ: Յետ ու առաջ են լինում, շատերը բոլորովին դուրս չեն գալիս, կամ վերևի ու ներքևի շարանները իրար չեն համապատասխանում, այնպէս որ բերանը ծածկելիս նրանք իրար չեն կպչում, այլ վերևինը առաջ է ընկնում, իսկ ներքևինը յետ: Այդ դէպքում ծամբնի հարկէ դժուարանում է:

Երրորդ.—ատամների ձևը այլանդակ է լինում, օրինակ. ստամի կարող մասը վզից աւելի նեղ է և այլն. վերջապէս. նրանք հիւանդոտ են լինում, ծուռ-մուռ, եզրերը շարջրդուած ու կերուած, երբեմն սղոցի

համան քերթ-քերթ, վրաների փայլուն էմալը փշացած, և ուրիշ տեսակ այսպիսի վնասումներով (նկ. 24):

նկ. 24



Երբեմն այս վնասումները այնքան բնորոշ են, որ հմուտ բժիշկը, սիայն առամ-

ները գննելով, կարողանում է իմանալ, որ այդ երեխայի ծնողները սիֆիլիս են ունեցած:

Աւելացնենք և այն, որ փոքր ի շատ էլ առամներն էլ շատ շուտով փշանում են:

4. ՇՐԹՆԱՀԵՐՉՈՒԹԻՒՆ

Ժառանգական սիֆիլիսը պատճառ է գանձում նոյնպէս և շրթնահերձութեան, այսինքն. շրթունքների ճեղքուած լինելուն:

Սմենքը տեսած կը լինեն երեխաներ, որոնց վերին շրթունքը ճեղքուած է մինչև բթի ծակը: Իս միայն սիֆիլիսից չի լինում, բայց այդ ցաւից աւելի շատ է պատահում, քան միւս ժառանգական հիւանդութիւններից:

5. ՔԻԹՆ ՈՒ ԲՆԵՐԱՆԸ

Քթի արմատը տափակ—պճած է, կարծես մատով հուփ է տուած: Երեխան յաճախ ամբողջ կեանքը տանջուած է անվերջ հարբուխով, որից գարշելի հոտ է գալիս: Քթի միջի պատը փտած է, կերուած, քիմքը կերուած, ոսկրը փտած, այնպէս որ քիմք

չկայ ու երեխան մեծ դժուարութիւնով կարող է բան ուտել ու խմել, որովհետեւ կերած—խմածը քթից դուրս է թափուում:

6. Ա. Չ. Ք. Ե. Ր. Ը

Աչքերը ևս ժառանգական սիֆիլիսից շատ ֆուստուած են լինում: Ամենից յաճախ շլուծիւն է պատահում: Մի բժշկի ասելով 52 ժառանգական սիֆիլիսոտաներից 18-ը շիւ էն: Լինում են և կոյր ծնած երեխաներ:

7. ԱԿԱՆՋԻ ՎԱՏԱՃՈՒՄՆ

Դրսի ականջը կարող է ուղղակի չը լինել, ծակը փակ լինել կամ շատ տեսակ անկոնութիւններ ունենալ. յետ ու առաջ է կպած լինում, կամ չափազանց վերև ու չափազանց ներքև: Յաճախ ականջի մէկից կամ երկուսից էլ թարախ է հոսում (ժողովուրդն ասում է. «ծնում է»), կամ երեխաները ուղղակի խուլ են ծնում:

8. ԱՆԴԱՄՆԵՐԻ ՎԱՏԱՃՈՒՄՆ

Երբեմն մի ոտը միւս ոտից կարճ ու երկար է լինում, մի թևը—միւսից: Նոյն

տճևութիւնը նկատուում է և ուրիշ մասերի վրա, օրինակ կողերի: Պատահել են դէպքեր, երբ մի որևէ ոսկր բացակայ է եղել:

Նկ. 25

Նայեցէք այս երեխայի նկարին (Նկ. 25) Սա սիֆիլիսոս ծնողի (հօր) ծրնունդ է: Նրա մայրը ութ անգամ յղացել է:

Առաջին յղութիւն. — աղջիկ, որը առողջ էր ծնուել:

2-դ. յղ. — վիժումն:

3-ր. յղ. — մեռած երեխայ է ծնուում:

4-ր. յղ. — ծն-



ուել է այս ազան, որի սրտակերը գրեցինք:

5-դ. յդ.—մի երեխայ, որը մեռնում է 6 ամսական-կարկամումներից (մարմնի ներվային) ձգձգումն:

6-դ. յդ.—մեռած երեխայ:

7-դ. յդ.—երեխան սպրում է, բայց նիհար է, փոքր ու արատաւոր մարմին ունի (վատասերում):

8-դ. յդ.—նոյնպէս չափազանց թուլամորթ երեխայ:

Նկարի վրայի երեխան ունեցել է մարմնի վրա զանազան ցաւեր ու ստերին խոցեր: Եբբ սկսեց դարոյց յաճախել, ծնողները նկատեցին, որ ստերը չափազանց երկար են և ծռուած: Յետոյ աջ ոտը աւելի երկարեց, քան ձախը ու երեխան սկսեց կազել: Ընդհանուր առողջութիւնը քանի գնաց—վատացաւ և խեղճը այնպիսի դրութեան մէջ ընկաւ, որ նրան տարան հիւանդանոց: Ոտերից մէկը միւսից մի վերջոյ կերկար է, սրունքները ծածկուած են խոցերով ու ծռուուած:

9. Մ է Զ Ք Ը

Ժառանգական սիփիլիսը ծռումում է սղնաշարը: Սա ծռում է կամ յետ ու առաջ կամ կողքանց: Ողնաշարը ծռուելիս, իհարկէ կողերն էլ, ուսերն էլ հետն են ծռուում ու խեղճ երեխան կուզ ու այլանդակ է դառնում:

Բացի այս ծռութիւնները (կորութիւնները), կայ և մի սարսափելի հիւանդութիւն, որը մահաոխիթ է.—սա ճնղքուած մէջքն է: Ողնաշարի մի մասը ճեղքուած է լինում և այդ ճեղքուածքից ողնուլը դուրս է ընկնում:

10. ՀՄԿԱՅՈՒԹԻՒՆ ԵՒ ԹՉՈՒԿՈՒԹԻՒՆ

Երեակայեցէք, որ երեխայի մի ոսկրը միայն չի մեծացած (ինչպէս այն ազայի ստերի ոսկրերը), այլ մարմնի բոլոր ոսկրերը, այսինքն. ամբողջ կմախքը: Ի՞նչ կը լինի այն ժամանակ:

Այն ժամանակ այդ երեխան իհարկէ աւելի մեծ կը լինի, աւելի յաղթանդամ:

Մրանց անուանում են հսկանկը:

Մի քանի յայտնի հսկանկեր գննուած են և դուրս է եկել, որ նրանց ծնողները սի-

Ֆիլիս են ունեցած և հէնց իրանք—այդ հըս-
կաները-ժառանգական սիֆիլիսի շատ ուրիշ
նշաններ էլ ունեն իրանց վրա:


Նրանց հասակը հասնում է 4 արշինի,
վիթխարի կուրծք ու անդամներ ունեն նը-
րանք և կարծես աժդահաներ են: Տեանողը
կը կարծի, թէ դրանց նման առողջ մարդ
չկայ աշխարհումս. կարծես հարիւր տարի
պիտի ապրեն... Բայց բժշկի աչքին դրանք
ժառանգական հիւանդներ են, որովհետև
նրանց վրա ժառանգական սիֆիլիսի բազմա-
թիւ նշաններ են գտնուում:

Հսկաների կողքին պէտք է դնենք թը-
զուկներին: Երեխաները չափազանց փոքր են
ծնւում ու շատ քիչ մեծանում: Նրանց հա-
սակը (երբ արդէն հասունանում են) հազիւ
1½ արշին (նոյն իսկ աւելի պակաս) է լի-
նում: Հասակին համեմատ, անդամներն էլ,
ձայն էլ, սեռական անդամներն էլ նուազ,
նրնխայական են մնում ամբողջ կեանքը, մի-
րուք ու բեխեր համարեա չեն ունենում,
նուազ ու բթամիտ են լինում և երկար չեն
ապրում:

Այսպիսի խաղեր էլ է անում ժառան-
գական սիֆիլիսը...

11. Զեռների ու ոտների սնվանդանո- թիւններ

Զարմանալի ազդեցութիւն ունի վատ
նկ. 26.



ցաւի թոյնը ժառանգների ոտների ու ձեռ-
ների կազմութեան վրա:

Նկատուում են զանազան տեսակ անկանոնություններ: կամ երկու մասը ձուլուած (կպած են) լինում իրար և ձեռի վրա երկու-երեք մաս է լինում միայն, կամ մի որևէ մասը, օրինակ. բուլբը բացակայ է լինում, կամ թէ ընդհակառակը մէկի տեղ երկուս է դուրս եկել և ձեռի վրա 6—7 մաս կայ, կամ թէ չէ մատերից մէկը չափազանց երկար է, սիւսները չափազանց կարճ և այլն:

Նայեցէք այս նկարին (տ. նկ. 26):

Վերև—ձեռն է, որի վրա երկու-երեք մաս կայ միայն, ներքև,—ոտն է, նոյնպէս երկու մասով: Եղածներն էլ տձև ու ծումուած, կիսատ: Պատահում է, որ իսկի ձեռ չը կայ, կարծես արմունկից կտրել են...

12. Գ Ա Ի Ա Կ Ը

Գաւակը նեղ է լինում, որից և վիժումներ ու դժուար ծնունդ է առաջ գալիս: Ոտերի ծոռութիւնները ամենքին յայտնի են. —թաթերը կամ դարձած են լինում ներս, կամ շուռ տուած դէպի դուրս, այնպէս որ քայլելիս ստիպուած են ոտերը շատ բարձ-

րացնել, որ իրար վրայով անցնեն: Պատահում է նոյնպէս, որ երեխան ծնւում է ոտերը դուրս ընկած...

13. ՈՒՂԵՂԻ ՎԱՏԱԿԱԶՄ ՈՒԹԻՒՆ

Ուղեղը երբեք շատ փոքր է մնում, կամ նրա վրա զանազան անկանոնություններ են լինում: Ուղեղի մէջ զտնուած պակասութիւններից երեխան խուլ-համբ է ծնւում, կամ կոյր:

2. ԸՆԴՀԱՆՈՒՐ ՎԱՏԱՃՈՒՄՆ

Մինչև այժմ խօսում էինք սիֆիլիսոսի ժառանգների մասնաւոր արատները ու վատ աճումները մասին:

Հիսի տեսները, թէ ինչ է լինում նրանց ընդհանուր առողջութիւնը և նրանց արտաքինը (տեսքը):

ԴԵՄՔԸ ՈՒ ԿԱԶՄՈՒԱԾՔԸ

Երեխաները առհասարակ ծնւում են սաստիկ նուազ կազմուածքով, այնքան թուլակազմ, որ անկարող են լինում ապրելու:

Անձ թէ ինչ է ասում մի գիտնական. «Այս երեխաները զարմանալի արագ ու հեշտութիւնով են մեռնում: Մի քանիսը հալւ լոյս տեսած, մահանում են. — մի քանի ր ու պէի կամ սի քանի ժամուայ մէջ: Միւսները դիմանում են 2—3 օր, սի քանիսներն էլ—

մի քիչ աւելի երկար: Բայց զարմանալին այն է, որ բոլորն էլ մահանում են առանց որոշ պատճառի, հէնց այնպէս, առանց հիւանդանալու: Նրանց մասին ասում են, որ միռնում են ոչնչեց: Իսկապէս նրանք մահանում են ժառանգած թունաւորութիւնից, որը խլել է նրանցից ապրելու կարողութիւնը:

Յաճախ երեխաները ծնւում են փոքր ի շատէ բաւարար ու առողջ տեսքով. այն ժամանակ երեք տեսակ է լինում:

Կամ երեխան քանի գնում—նուազում է, նիհարում է, կարծես քաժուում է ու մեռնում:


Կամ մի քանի ժամանակ կանոնաւոր կերպով է զարգանում, մինչև անգամ քաջը աւելանում է և յանկարծ սկսում է յետ գնալ, արագ ու ժակորուստ է լինում ու մեռնում, էլի առանց որ և է պատճառի:

Բայց յաճախ էլ մանուկը լաւ է զարգանում, առողջ է երևում, լցւում է կայլն: Բայց զա տևում է մի քանի շաբաթ միայն և աճումն կանգնում է, երեխան էլ առաջ չի գնում, քաջը չի աւելանում, և մարմնի վրա դուրս են տալիս զանազան բծեր, խոցեր են դոյանում բերանի մէջ և ներսի գործարանները հիւանդանում են: Եւ արագութեամբ

խեղճ փոքրիկը նուազում է, նիհարում, երեսի ու մարմնի մաշկը (կաշուի) վրա կնճիռներ են գոյանում և վերջ ի վերջոյ հալում է — մաշում ու հանգչում...

Նայեցէք այս նկարին (նկ. 27).

Նկ. 27.



Սա մի վաղաժամ ծերունի է. գէմբը կնճիռներով ծածկւած, նրա մարմնի կաշին

հազար փոթեր ունի, կասես կիսատ լցուած մի պարկ է: Դէմքը կապիկի դէմքի նմանութիւն է տալիս, իր անագին բերանով ու մեծ աչքերով փոքրիկ կնճուած երեսի վրա: Սա սիֆիլիսի գաւակ է:

2. ՄԱՆԿԱՅՆՈՒԹԻՒՆ

Ժառանգական սիֆիլիստոների մէջ յաճախ պատահում են այնպիսիներ, որոնք չափազանց ուշ են սկսում քայլել, ուշ խօսել, նրանց ատամները ուշ են դուրս գալիս ու փոքր մնում, սեռական գործարանները անզարգացած են մնում, բէխերն ու միրուքը ուշ են բուսնում ու ցանցառ են մնում, — երբեմն էլ ազան քոսա է: Աղջիկները փոքր են մնում, նրանց ստիւնքները մանր, դաշտանը հազիւ 18—20 տարեկան հասակումն է բացւում, որովհետեւ նրանց սեռական գործարանները ուշ են զարգանում:

Մրանք մշտական կրեխաներ են, իրանց տարիքից պակաս են երևում միշտ. հասակները կարճ, մարմինը սեղմուած, թևերն ու ոտերը բարակ, տարիքով պատանիները երեխաների տեսք ունեն, երկտասարդները — պատանիներ:

Այս գրութիւնը յայտնի է ընդհանուր ա-
նունով. մանկայնութիւն: Երբեմն երեխաները
այնքան փոքր են լինում, որ դուրս են գա-
լիս թզուկներ: Սրանք ծնուելիս հազիւ մի
փոքրիկ նարնջի չափ գլուխ ունեն, իսկ
ոտերն ու թևերը—հազիւ ճկուտի հաստու-
թիւն ու երկարութիւն:

3. ԲԱՆԻՏ ԿԱՄ ԱՆԳՂԻԱԿԱՆ ՅԱԻ

Սիֆիլիսոս ծնողների գաւակները ծըն-
ւում են բախտով (անգլիական հիւան-
դութեամբ): Այս հիւանդութիւնը ընդհա-
նուր կմախքի վատակազմութիւնն է: Ոս-
կրերը կարծես փուխը, ճկուն են և հեշ-
տութեամբ ծումուում են, երեխաները ահա-
զին գլուխ ունենալուց գատ, կուզ են լի-
նում, ողնաշարն ու կողերը ծումուում, զը-
րանից էլ ուտերը բարձրացած, կողքերից
մէկը դուրս պրծած, միւսը ներս գնացած:
Այդ վատ կազմուածքը ոչ միայն հրէշ է դարձ-
նում երեխային, այլ և տրամադրում է նը-
րան դէպի գանազան հիւանդութիւններ, ու-
րոնցից ամենազլխաւորն է թորախտը:

Այս գրքի փոքր ծաւալը թոյլ չի տա-

լիս մեզ մի առ մի նկարագրել այն բոլոր
այլանդակութիւններն ու հրէշաւորութիւն-
ները, որոնք նկատուած են սիֆիլիս ունե-
ցողների գաւակների վրա:

Լաւ իմացէք, որ ոչ մի մանրամասն,
ոչ մի գործարան ազատ չի մնում թոյնի
ազդեցութիւնից: Սիրտը, երակները, թո-
քերը, փայծաղը, բերանը, քիմքը, քիթը,
աչքերն ու ականջները, ստամոքսն ու ա-
ղիքները, սեռական գործարանները—բոլորը
կարող են վատաճուած, այլանդակուած, հի-
ւանդոտ լինել:

Յանկարծ մի երեխայ է ծնում, որի
արտևանուռքը ճեղքուած չէն ու աչքերը
փակ են, ականջներում ծակ չկայ, դրսի
ականջը բացակայ է կամ քիմք չկայ: Մի ու-
րիշը, որի ետքը (սրբանը) գոց է կաշիով, մի
երրորդը, որի աղիքները չափազանց կարճ
են ու նեղ, սիրտը սրտի նման չէ, փայծա-
ղը փայծաղի, կամ թէ չէ փորը բաց է
(կարծես դանակով սլատուել նե) ու աղիք-
ները դուրս թափուած, կուրծքը ճեղքուած է
ու թոքերը երևում են, կամ երեխան սե-
ռական անդամ չունի, կամ ձուարաններ
չունի, աղջիկը գաւակատուն չունի և այլն

այս նման հրէշաւոր պակասութիւններ:

Յաճախ ի հարկէ յիշած հրէշաւորութիւններից շատերը միանում են մի երեւոյցի մէջ ու դուրս է գալիս մի իսկական հրէշ, մի գարշելի տձև էակ, որի ծնունդը մեր պառանքները քաջքերի գործ են համարում: Մեր ժողովրդի մէջ դեռ չի վերացել այն տխմար հաւատալիքը, թէ կլինը կարող է շուն, կատու, դե ծնել: Գուցէ այս հրէշաւոր ծնունդներն են, որ առիթ են տուել այդ վայրենի համոզմունքի արմատանալուն մեր մէջ...

4. ՄՏԱԻՈՐ ՊԱԿԱՍՈՒԹԻՒՆՆԵՐԸ

Այժմ մի քանի խօսք էլ ասենք ժառանգական սիֆիլիսի գործած աւերումների մասին երեխայի մտաւոր աշխարհի վրա:

Ինչպէս մարմինն է վատակազմուած, նոյնպէս էլ երեխայի խելքը, բանականութիւնը և առհասարակ նրա հոգեկան ու մտաւոր աշխարհը կարող է թոյլ կամ արատաւոր լինել:

Ընթերցողը կտարսափէր, եթէ հար լինէր պատմել այն սոսկալի դէպքերը, որ բժիշկները նկատել են մինչև այժմ:

Սիֆիլիսոտի գաւակը, եթէ ապրում էլ է, եթէ ըստ երեոյթի կանոնաւորէլ է ծնուած, այնուամենայնիւ նրա մտաւոր աշխարհը յաճախ խաւար է մնում:

Նրեխաները միշտ յետ են մնում իրանց առողջ ընկերներից թէ ուսման մէջ թէ և կեանքի ասպարէզում: Նրանք ուշ են սկսում խօսել, ուշ հասկանալ, ուշ կարդալ—գրել: Նրանց միտքը գոց է, չունեն մանկական հասակին յատուկ աշխուժութիւնը, դիւրըմբռնողութիւնը ու սրամտութիւնը:

Սրանց յետամնացներ են.

Բայց այս բոլորը չէ:

Նրանք մէջ շատ յաճախ պատահում են դանդաղամիտ ու ամեն ջանի անընդունակ երեխաներ, ապուշներ, ներվայիններ, ընկճատորներ ու խելացնորներ, որոնք ոչ մի գործի ընդունակ չեն ու ծանր ընդուն դառնում իրանց ծնողների ու հասարակութեան վզին:

Մարսափելին այն է, որ մի և նոյն ընտանիքի մէջ մի քանիսներն են այդպէս ապուշ, տխմար կամ մտքով հիւանդոտ լինում: Օրինակ. մէկը լինում է ընկնաւոր, միւսը

ապուշ, երբորդը անբարոյական, չորրորդը հիստերիկ (ներվային) և այլն:

Ներվային հիւանդութիւնները շատ տեսակ են լինում - սկսած ամենաթեթեւ բարկացողութիւնից ու լալկանութիւնից — մինչև կարճուրբելի ընկնաւորութիւնն ու կարկազարճուրբելի ընկնաւորութիւնն (կարմուսները: Այս վերջին հիւանդութիւնը (կարկամումն) շատ յաճախ է պատահում: Յանկարծ մարմնի բոլոր մկանները (մսերը) լարուած են, ձգձգուած ու մէջքը, վիզը օտերն ու թևերը սկսում են ծռուտուել, ոսկրները ջարջրդուել, երեխան գարկուած է գետին, գալարուած է, վեր-վեր է թռչում անդամները կծկուած ու երկարում, ընկնում է մէջքի վրա, շուռ ու մուռ է դալիս կողքերի վրա, վզի երակները արիւն լցուած ու պարանոցների պէս լարուած, աչքերը դուրս թռած, լեզուն դուրս ընկած, շնչառութիւնը կապուած... Այս կարճուրբելի բռնկումները կարող են կրկնուել օրուայ մէջ մի քանի անգամ, նոյն իսկ մի ժամուայ մէջ մի քանի անգամ և սպանել հիւանդին:

Լաւ պատկերացնելու համար, թէ ինչ է լինում սիֆիլիստի ընտանիքը, առաջ բերենք հազարաւոր պատմութիւններից մէկը.

Պ... 65 տարեկան է: 27 տ. հասակում նա սիֆիլիս էր ստացել: Վեց տարուց յետոյ (առանց բժշկուելու) ամուսնացաւ և ահա նրա սերունդը:

Կինը 11 անգամ յղացել էր:

Առաջին յղութիւն: Երեխան 19 ամսկան մնաւ ուղեղի ըորընթացից:

2-դ յղ. — երեխան այժմ 18 տարեկան է, ընկնաւոր:

3-դ. յղ. — երեխան շատ դանդաղ է աճել, ընդունակութիւններ չունի, անտարբեր է դէպի ամեն ինչ: Ամուսնացել է:

4-դ. յղ. — երեխան բախիտ ունի և հիստերիկ է (ներվային):

5-դ. յղ. — եր. առողջ է մինչև հիմի:

6-դ. յղ. — եր. շատ բզամիտ է, 12 տ. հազիւ կարգալ-գրել է սովորել, կազմուածքը մանկային է մնացել, 19 տ. հասակում ինքնասպանութիւն է գործում.

7-դ. յղ. — եր. մեռնում է ուղեղի հիւանդութիւնից 22 ամսական:

8-դ. յղ. — եր. վատ էր զարգացած, 6 տ. բոլոր առամները թափուած են:

9-դ. յղ. — եօթերորդ ամսում վիժում է մի մեռած երեխայ:

10-րդ. յղ. — դարձեալ վիժումն երրորդ ամսում:

11-րդ. յղ. — երեխան աղաւաղուած ատամներ ունի, գանկը սեղմուած, ականջները դիք-դիք ցուած և չափազանց ցած, ներքեի ծնօտը դուրս պրծած:

Ահա... և մի ուրիշ դէպք:

Տ... սիֆիլիս է ստացել ամուսնութիւնից 5 տարի առաջ. կինը առողջ է մնացել (չի վարակուել) և 7 անգամ յղացել է:

Առ. յղ. վիժումն երեք ամսուայ:

2-րդ. յղ. վիժումն:

3-րդ. յղ. մեռած ու խմորած երեխայ:

4-րդ. յղ. երեխան մեռնում է 7 ամսական հասակում ներվային հիւանդութիւնից:


5-րդ. յղ. երեխան 9 տարեկան չը հասած, արդէն սեռական կիրք ունի (վավաշուտ է): Այժմ 22 տարեկան է և սաստիկ անբարոյական: Սա մի կատարեալ հրէշ է թէ մարմնով թէ վարք ու բարքով:

6-րդ. յղ. երեխան ընկնաւոր է:

7-րդ. յղ. երեխան ուղեղի անկանոնութիւններ ունի, հինգ տարեկան հասակում միայն սկսել է խօսել. այժմ ինն տարեկան է

և դեռ ևս կարգալ չի սովորել: Ապուշ է:

Նկ. 28.



Ա պ ու շ

Այսքանը բաւական է ցոյց տալու համար սիֆիլիսի թոյնի անողոր քանդիչ ազդեցութիւնը սիֆիլիսոտի գաւակների վրա:

Բայց չը կարծէք, թէ այս գաւակներով վերջանում են նրա զոհերը:

Ո՛չ, սիֆիլիսի թոյնը դեռ չի սպառուել: Նա աւելի հեռու է տարածում իր խեղդող ճանկերը... նա վատասերում է թոռներին և! Թոռները ևս լինում են հիւանդոտ, արա-

տաւոր, թուրակազմ, նրանք ևս անընդունակներ, ապուշներն ու ներվայիններ են դուրս գալիս, նրանք ևս երկար չեն ապրում, հիւանդանում են թոքախտով, բախիտ են ունենում և այլն և այլն...

Մի օրինակ միայն:

Մի քիչ վերև առաջ բերած Պ...ի ընտանիքի գաւակներից երրորդը, ինչպէս ասեցինք, ամուսնացել է: Եւ ի՞նչ սերունդ է դուրս գցել: Երկու որդի միայն, և երկուսն էլ մեռնում են, — մէկը առամ հանելիս, միւսը 7 ամսական հասակում ուղեղի ջրգողութիւնից:...

Այս էլ թոռների վիճակը!...

Զէ որ գարնուրելի է այս բոլորը և ո՞ր բանական մարդը չի սարսափի այն ահագին պատասխանատուութիւնից, որը նա յանձն է առնում, երբ ցանկանում է ընտանիք կազմել: Սիֆիլիս ունեցողները թո՞ղ լաւ խորհեն այս դժուար քայլն անելուց առաջ, թո՞ղ լաւ հասկանան, որ իրանց անզգոյշ քայլով նրանք թէ իրանց գաւակների ու թոռների կեանքը ու երջանկութիւնն են վտանգի ենթարկում:

Իսկ իրանք: Միթէ իրանք կարող են գէթ մի օր երջանիկ ու հանգիստ ապրել:

Զէ որ իրանց համար ևս կեանքը մի դժոյգ կլաւնայ, երբ կտեսնեն, որ այս սոսկումների ու աւերումների պատճառը իրանք են եղել, միայն իրանք...

Սարսափելի կեանք, որից կարող էին փրկուած լինել խելացի բժշկութիւնով և բժշկի խորհրդով!...

Վ Ե Ր Զ



Յ Ա Ն Կ

Մ Ա Ս Ն Ա Ռ Ա Ջ Ի Ն

| | |
|---|----|
| Երկրորդ տպագրութեան առիթով | 3 |
| Առաջարան | 5 |
| Ա. Ի՞նչ է վատ ցաւը կամ սիֆիլիսը | 7 |
| Բ. Ի՞նչպէս են մարդիկ վատ ցաւ ստանում | 8 |
| Գ. Ի՞նչպէս է սիֆիլիսը գիւղերը մըտնում | 15 |
| Դ. Ի՞նչ են վատ ցաւի նշանները | 16 |
| Ե. Ուղեղի ու ողնուղեղի հիւանդութ. | 29 |
| Զ. Ի՞նչպէս մարդ պէտք է պահպանի իրան վատ ցաւից | 33 |
| Է. Բժշկութիւն | 38 |
| Ը. Ե՞րբ սիֆիլիստաը կարող է ամուսնանալ | 44 |

Մ Ա Ս Ն Ե Ր Կ Ր Ո Ր Դ

| | |
|---|----|
| Ժառանգական սիֆիլիս | 3 |
| Ա. Չբերութիւն | 6 |
| Բ. Վիժումն | 7 |
| Գ. Մեռած կամ շուտով մեռնող երեխաների ծնունդ | 9 |
| Դ. Արատաւոր ծնունդ | 14 |
| ՄԱՍՆԱՒՈՐ ՎԱՏԱՃՈՒՄՆ | 19 |
| ԸՆԴՀԱՆՈՒՐ ՎԱՏԱՃՈՒՄՆ | 34 |

«Ազգային գրադարան»



NL0271716

«ԱՌՈՂՋԱՊԱՀԻԿ ԹԵՐԹ»

Կիսամսեա նկարագարդ հանդէս 4—6 նոյնպէս
նկարագարդ գրքոյկներով.

Տարեկան բաժանորդագիրն է 2 ո. 50 կ.

Արտասահմանում. . . 10 ֆր. կամ 3¹/₂ ո.

Հասցէն. Тифлисъ, редакция «Арогджапаикъ
Тертъ».

Արտասահ. Tiflis. Redaction «Arogdjapahik Tert»

Գր. վ. Արծրունու հրատարակութիւնները.

- | | | |
|-----|-------------------------------------|-------------------|
| 1) | Ժանտարխտ (մի բանի օրինակ միայն) | 20 կ., |
| 2) | Խօլերայի մասին (սպառուած), 3) | Խօլերա 5 կ., |
| 4) | Հիպնոտիամ, հատ. I. (սպառուած) | 25 կ. |
| 5) | Հիպնոտիամ, հատ. II. | 15 կ., 6) Դպրոցա- |
| | կան առողջապահութիւն (պատկերագարդ) | 50 կ. |
| 7) | Առողջ երեխաների խնամատարութիւն | 25 կ. |
| 8) | Սիֆիլիս, Կակուղ շանկը, Սուսունակ | 25 կ. |
| 9) | Թշուառների բարեկամ բժիշկ Հասազ | 20 կ. |
| 10) | Ամուսնութիւն | 75 կ. |
| 11) | Աղջիկ (առողջ. և բարոյագիտակ. էտիւդ) | 60 կ. |
-
- | | | | |
|-----------------|------|--|--------------|
| ԲՃԵԿԻ ՉՐՈՅՑՆԵՐԸ | № 1. | ՄԻ՝ ԽՄԻՐ, ԵՐԿ. Ե. (նկարագրով) | 5 կ. |
| | № 2. | ՎԱՏ ՅԱԻ (նկ.). | 6 կ. |
| | № 3. | ՎԱՐԱԿԻՉ ՀԻԻԱՆԴՈՒԹԻԻՆՆԵՐԸ ԲԸ ԵՒ ՆՐԱՆՑ ԹՈՅՆԸ | 23 նկ. 15 կ. |
| | № 4. | ԹՈՒՔԱԽՏ ԿԱՄ ԲԱՐԱԿԱՅԱԻ (նկ.) | 10 կ. |
| | № 5. | ԴՈՂԵՐՈՅՔ ԿԱՄ ՄԱԼԱՐԻՍ (նկ.) | 5 կ. |
| | № 6. | ԻՆՖԼՈՒԷՆՅԱ ԿԱՄ ՆՈՐ ՅԱԻ (նկ.) | 3 կ. |
| | № 7. | ՄԻ՝ ԾԽԻՐ. | 5 կ. |
| | № 8. | ՆՈՐԱԾԻՆ ՄԱՆՈՒԿՆԵՐԻ ՀԻ- ԻԱՆԴՈՒԹԻԻՆՆԵՐԸ (նկ.) . . . | 5 կ. |
| | № 9. | ՎԱՏ ՅԱԻ ԿԱՄ ՍԻՖԻԼԻՍ, ԵՐԿՐՈՐԴ հրատարակութիւն Ա. մասն (9 նկ.) | 20 կ. |
| | № 10 | ՎԱՏ ՅԱԻ ԿԱՄ ՍԻՖԻԼԻՍ Բ մասն | 15 կ. |